



**Uunga siunnersuut Naligiissitaaneq assigiinngisitsinnginnissarlu pillugit Inatsisartut inatsisaat**

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)  
(Siullermeerneqarnera)

Demokraatit iluarisimaarpaat, assigiinngisitsinnginnissarq pillugu pitsaanerusement nukittunerusedmillu inatsiseqalernalertugut. Imaassanngilluinnarpormi, maani 2023-mi sulii inoqartarmat, assigiinngisinneqartunik, qanorluunniit tunuliaqutaraluarunik.

Partiuvugut kiffaanngissusermik pingaartitsisut, assigiinngisitaanermik nersorinnittut aammalu tamatta assigiinngitsusugut. Taamaattumik aamma isumaqarpugut, innuttaasut tamarmik inuunertik ingerlattariaqaraat assigiinngisinneqaratik. Una inatsisissatut siunnersuut pitsaasumik aallaaviuvoq assigiinngisitsinermut sorsunnermut.

Taamatuttaaq iluarisimaarparput, inatsisissatut siunnersuutip inuit tamarmik assigiimmik pineqarnissaat aallaavigimmagu. Tassunga atasumik iliuuseqarneq pitsaasuuvoq, tassalu Naligiissitaanissamut siunnersuisoqatigiit suliaasa ilaneqarneri, taakku qulakkeerinninnermut ilaassammata, pineqartup ukkatarineqartuarnissaanut.

Aammattaarlu Assigiimmik pineqarnissamut ataatsimiititaliamik pilersitsisoqarnissaanut isumaqataavugut neriutugalugulu, ataatsimiititaliaq taamaattoq sukkaasumik eqeersimaartumillu suleriuseqassasoq, ukiut arlallit aatsaat qaangiukkaangata suliat isummerfigineqartannginniassammata.

Naggataatigulli uparuartariaqarpara, inatsisissamut siunnersuutip naligiissitaanertaanut maannakkut Naalakkersuisusut pitsaanngitsumik maligassiuimmata. Naalakkersuisut Siulittaasuat soorlu ilisimaneqartoq Naalakkersuisuni ilaasortassanik toqqaasarpog, toqqarneqarsimavorlu, Naalakkersuisut angutit arfineq-marluussasut arnallu pingasut. Tassalu Naalakkersuisuni angutit marloriaataa sinnerlugu amerlanerullutik, arnaniit. Piaaraluni toqqaaneq. Toqqaaneq nalunngilluinnarlugu. Demokraatini isumaqarpugut, uggornartoq, Naalakkersuisut siuttoorusunnginnerat naligiissitaanermut siuttuunermut tunngatillugu. Isumaqarpugut uggornartuusoq, Naalakkersuit siulittaasuata maannakkut Naalakkersuisusuni arnat amerlanerunissaannik kissaateqarsimannginera.

Siunnersuut taamatut oqaaseqaateqarluta ataatsimiititaliamut attuumassutilimmut ingerlateqqinneqarnissaa innersuussutigaarput.